

TEZAUUR LITURGIC
30 NOIEMBRIE

ACATISTUL
SF. REGE
VAHTANG I
GORGASALI
AL GEORGIEI



TBILISI, 2000



დაუჯღ

ომელი საგალობელი წმიდისა

კეთილმსახურისა მეფისა ვახტანგ გორგასლისა

კონდაკი 1

ღუაწლსა შინა მკნესა მეფესა და მკედარსა დიდ-
სახელსა, რჩეულსა ქრისტჳსსა, დიდებულსა ვახტანგს
გორგასლანსა, ახოვანსა და უძლეველსა, ქებით
შეგამკობთ მორწმუნენი და შეგასხამთ სამადლობელსა
გალობასა, ხოლო შენ, ვითარცა გაქუს კადნიერებად
ღმრთისა მიმართ, შეწევნითა შენითა განგკურნენ,
ღირსო, და გზად უცთომელი, ზეცად აღმყუანებელი
გუასწავე მგალობელთა შენთა: გიხაროდენ, კაცთა
შორის საკვრველო მეფეო და დიდებულო მოღუაწეო,
წმიდაო ვახტანგ გორგასლანო!

იკოსი 1

გერწმუნა რად საყდარი ფარნავაზისი და სკიპტრად
მირიანისი, მეფობდი კეთილ-გონიერად და
აღამაღლებდი ჯუარსა საღმრთოდასა ძლევისასა,
რომლისა მიერ წარსწყმიდნე მტერნი იგი მბრძოლნი
ქრისტჳსნი და მშჯდობასა შინა განამტკიცენ
ჭეშმარიტი სარწმუნოებად მართლმადიდებელთად,
გარნა აწ მტერნი იგი ჭეშმარიტებისანი იღუწიან,

რადთა ერი შენი, წმიდაა და საზეპუროდ, გამოაჩინეს
ერად ბნელისა, ხოლო შენ დააცხრვე განსაცდელთა
ღელვად განძნებული და დაგვიცევ წვალებისაგან და
სჯულისაგან უცხოდასა, რადთა მართლითა
სარწმუნოებითა აღმსობილნი ღირს-ვიქმნეთ
შეწირვად გალობისა:

გიხაროდენ, სიჩხოდთ შენით წმიდითა წერილითა
აღორძინებულო;

გიხაროდენ, ღმრთივსულიერთა წიგნთა მიერ
განსწავლულო;

გიხაროდენ, სიწმიდითა აღზრდილო და სულიერთა
სიბრძნითა აღვსილო;

გიხაროდენ, სამშობლოდასა ქუეყანისა სიყურულითა
აღგზებულო;

გიხაროდენ, სასოებითა საუფლოდთა და მამაცებრითა
სიმკნითა აღჭურვილო;

გიხაროდენ, მართლმადიდებლობითა მოზღუდვილო;

გიხაროდენ, სიყრმით შენითგან სამეუფოდთა ზეთითა
ცხებულო;

გიხაროდენ, უფლისა მიერ კურთხეულო და სუე-
ამაღლებულო;

გიხაროდენ, საღმრთოდთა და კაცობრივითა
ფილოსოფოსობითა უაღრეს რიტორთადასა
განბრძნობილო;

გიხაროდენ, მოწყალებითა განწმედილო და გულის

სიტყვთა განათლებულო;
გიხაროდენ, თარგამოსიანთა მეფეთა წინამძღურად და
მამად წოდებულო;
გიხაროდენ, მეფობისა და ღირს-მოწამეობისა
მრჩობლ-გვრგვნითა განშუენებულო;
გიხაროდენ, კაცთა შორის საკვრველო მეფეო და
დიდებულო მოღუაწეო, წმიდაო ვახტანგ
გორგასლანო!

კონდაკი 2

გერწმუნა რად საყდარი მამა-პაპათად, დაღათუ იყავ
ასაკითა უსრული, უმაგალითო სიმენს აჩუენე და
თვთ წარუძელ ლაშქარსა წინამბრძოლსა, გარნა არა
ძალითა თვსითა იქადოდი, არამედ ძალითა
ღმრთისაჲთა, და ვითარცა დავით გოლიათს, ეგრეთვე
შენცა მძლე ექმენ სხუათა უმეტეს ბუმბერაზთა,
ოვსთა - თარხანსა და ბაყათარსა, შემდგომ აღუზახე
სპათა თვსთა და ბრძოლათა შინა უსასტიკესთა სძლე
რად ოვსთა და ხაზართა, მათ მიერ წარტყუენილი დაჲ
შენი გამოივსენ და დიდებაჲ მიეც სამეზასა
წმიდასა: ალილუია.

იკოსი 2

იყავ რად ქმარი შაჰის ასულისაჲ და დისწული რანის
ერისთავისა ვარაზ-ბაკურისაჲ, მათ თანა წარხუედ

ბრძოლად ბერძენთა ზედა, რამეთუ სიმამაცითა
ფრიადითა ეძიებდი მათ მიერ წარტყუენილსა ეგრისსა
და აფხაზეთსა, გარნა უბრძანე რაჲ სპასა შენსა არცაღა
შეხებად ეკლესიათა და ყოველთა მსახურთა მისთა,
ძილსა შორის ჩუენებასა წარმოგიდგა
მოციქულთასწორი ნინო კაბადოკიელი,
განმანათლებელი ქართველთაჲ და გაუწყა, რადთა არა
ბრძოდე მართლმორწმუნეთა, ხოლო შენ, ბრძენო,
ზეგარდამო შეგონებაჲ შეიწყნარენ, და
შუამდგომელობითა პეტრე მღდლისა და სამოელ
ბერისაჲთა მშჯდობაჲ ბერძენთა ზედა აღადგინე,
ამისთჳსცა გაქებთ და დიდებისგმეტყუელებთ შენ:

გიხაროდენ, ღუაწლთა და განსაცდელთა ახოვნად
თავს-მდებელო;

გიხაროდენ, ჯუარისა ქრისტჳსისა ბეჭთა შენთა ზედა
მტჯრთველო;

გიხაროდენ, მჯარითა თჳსითა შეჭურვილისა ცხენისა
მცხეთიდან არმაზს აღმყუანებელო;

გიხაროდენ, შუენიერო ხატითაო და ძლიერო
ძალითაო, ქვეითად ირმისა მიმწევნელო;

გიხაროდენ, ახოვნებითა სულისაჲთა სულმოკლეთა
და დაჯსნილთათჳს მაგალითისა მიმცემელო;

გიხაროდენ, მჯედრობითისა ვაჟკაცობისა
მასწავლელო;

გიხაროდენ, ბოროტისა განმზრახველთა და ქუეყანისა

მაოხართა ზარდამცემო;
გიხაროდენ, გმირო იალბუზისაო, გოლიათო, მთისა
კავკასიონისა მომდრეკელო;
გიხაროდენ, ახოვანო და უძლეველო, დარიალანისა
კარისა დამხშველო;
გიხაროდენ, ოვსთა და ხაზართა ქედმაღლობისა და
კადნიერებისა დამამდაბლებელო;
გიხაროდენ, სასოებითა ღმრთისაჲთა მტერისა
აღლესულისა მახზლისა დამლეწველო;
გიხაროდენ, განლაღებულთა მათ ბარბაროზთა
ღონისა შემმუსრველო;
გიხაროდენ, კაცთა შორის საკვრველო მეფეო და
დიდებულო მოღუაწეო, წმიდაო ვახტანგ
გორგასლანო!

კონდაკი 3

ისწრაფდი რაჲ აღმოფხურისათჳს დათესილისა
ღუარძლისა სამეფოსა შენსა, ჭაბუკმან, ვითარცა
მოხუცებულმან და ბრძენმან, შეჰკრიბნე ყოვლად-
სანატრელი კრებული ღმრთისმსახურთაჲ და
მაზდაენტა საკერპენი დაამხუე მცხეთას, ხოლო
ყოველნი ბოროტად მადიდებელნი, ვითარცა მგელნი
განიოტენ და სამწყსოდ შენი განუხრწნელად დაიცევ,
ეგრეთვე აწ დაშრიტე აღძრვაჲ უკეთურთაჲ და
მწვალებელთა ენანი მოაუძლოურენ, ხოლო

მართლადმსაარებელთა აღამაღლენ გზრგზნი, და ერსა ჩუენსა მშჳდობაჲ მოჰმადლე, რადთა სიბრძნით ვიდოდეთ გზასა ჭემმარიტებისასა, და დაუცხრომელად უფალსა უგალობდეთ: ალილუია.

იკოსი 3

ესმათ რად უსჯულოთა მათ ნათესავთა შენთა, რამეთუ ცეცხლ-მსახურნი განასხნე, განძნდეს შენზედა ამჰარტავნებითა, და ურიცხვითა მკედრობითა აღილაშქრეს და ენებათ დამორჩილებაჲ ქართველთაჲ, გარნა შენ, სცან რად უკეთური განზრახვაჲ მათი, არა შეძრწუნდი შიშისაგან სპარსთაჲსა, არამედ განამამაცე გუნდი ლომებრთა ვაჟკაცთაჲ, და მორტყმული საჭურველითა და განმცნობილი ბრძოლად ოთხ თუემდე ბრძოდი უსჯულოთა, ეგრეთვე აწ ყოველთაგან თესლთა, ბრძოლად ჩუენდა შემოკრებულთა გვკსენ, წმიდაო, და დაგვიფარენ ხილულთა და უხილავთა მტერთა მრავალსაფრკეთაგან, რადთა მადლობითა შეგითხზნათ საცნაური გალობაჲ და შევსწირნეთ შენდა:

გიხაროდენ, ქრისტეს სახელის სადიდებლად ეშმაკთა საზორველისა დამამკობელო;

გიხაროდენ, საკერპოთა ველურობისა კადნიერად დამკსნელო;

გიხაროდენ, დაჯსნილებისა წყუდიადისა განმჯდელო;
გიხაროდენ, ცრუ-შჯულისდების მოძლუართა
განმდევენელო;
გიხაროდენ, ცეცხლთაყუანისმცემელთა მაზდეანთა
მარცხვენელო;
გიხაროდენ, თჯსტომთა შენთა შორის წარმართობისა
წყუდიადისა განმაზნეველო;
გიხაროდენ, მოგვთა გრძნებისა და მცბიერებისა
დამარღვეველო და სიცბილისა მათისა ძლევეით
მამხილებელო;
გიხაროდენ, მხილებისა მახჯლითა ეშმაჯისა მსახურთა
განმგმერელო;
გიხაროდენ, კაცთა ხელოჯანებითა შეთხზულისა
შჯულისა მჯნედ განმზასრველო;
გიხაროდენ, უშჯულოებისა სიმყრალისა
განმწმედელო;
გიხაროდენ, ტყვეობისაგან და მძლავრთა მონებისაგან
მრავალთა სულთა გამომჯსნელო;
გიხაროდენ, ერისა შენისა მრავალთა წყლულებათა
განმკურჯნელო;
გიხაროდენ, კაცთა შორის საკჯრველო მეფეო და
დიდებულო მოღუაწეო, წმიდაო ვახტანგ
გორგასლანო!

კონდაკი 4

ჰყავ რად სპარსთა მიმართ ბრძოლად დიდებული, აღმასისა ჳრმლითა სასტიკად სრვიდი სპასა მათსა, ვითარცა ლომი კანჯართა და სძლიე სასოებითა ჯუარცმულისადათა, ხოლო იგინი უყიოდენ ურთიერთას: „დურ აზ გორგ-ასლან“, რომელ არს: „ეკრძალეთ თავსა მგლისასა“, რამეთუ სახოვნებად მგელ-ლომისაჲ გაქუნდა მუზარადსა ზედა ოქროვანსა, და მიერთგან, სახელ გედვა შენ, მეფეთა შორის უძლეველო, - გორგასლან, ხოლო „ვახტანგიან-გორგასლიანი“ ეწოდა დროშასა ქართლოსიანთასა, ამისთვის სიხარულითა აღვივსებით და საღმრთოსა ამას გალობასა შევსწირავთ ღმერთსა: ალილუია.

იკოსი 4

ჟამსა წყობისასა და ჟამსა ომისასა, შეიპყრეს სპარსთა აღმზრდელი ცოლისა შენისაჲ, თვსტომი მათი რაჟდენ, რომელმან მრავალნი სპარსნი გოლიათნი ბრძოლასა შინა მოკლა, და უბრძანეს სარწმუნოებისა დატევებაჲ, გარნა მან კარი მარტჯლობისაჲ განალო უშიშად და გზა უყო სრბად შემდგომთა მოწამეთა, ხოლო შენ მოიძიე პატიოსანი გუამი მისი ფარულად დაფლული მღდლისა მიერ წრომსა, და ლიტანიობითა და გალობითა დაკრძალე შენ მიერ აღშენებულსა, საეპისკოპოსოსა ეკლესიასა ნიქოზსა, რადთა მარადის

მაქებელ ვიყვნეთ პირველმოწამეთა შორის
დიდებულისა რაჟდენისა და ვნატრიდეთ სიმკნეთა
შენთა:

გიხაროდენ, ვარსკულავო, კსნისა მეძიებელთათჳს
გზისა მაჩუენებელო;

გიხაროდენ, სპარსთა აღჯრ-მსხმელო და მართლ-
უკუნ-მქცეველო;

გიხაროდენ, სასოებითა მტკიცითა წინააღმდგომთა
სიბოროტისა წარწყმედელო;

გიხაროდენ, ქრისტჳს ჯუარისა მგმობართა
დამცემელო;

გიხაროდენ, სიმართლისა მოძულეთა და ბოროტისა
კეთილად დამდებთა მარცხვენელო;

გიხაროდენ, მხოლოო მართლმორწმუნეთა სპათა
მარადის თანამბრძოლო და მფარველო;

გიხაროდენ, მართლმსაჯულო უღონოთაო და
ქურივთა და ობოლთა კელის-აღმპყრობელო;

გიხაროდენ, გლახაკთა შესავედრებელო და შიშველთა
შემმოსელო;

გიხაროდენ, მღვძარედ და ფხიზლად ცხორებისა
შემაგონებელო;

გიხაროდენ, თარგამოსიანთა ნათესავისა ერთ-
ზრახვად, ერთ-სულად და ერთ-ნებად შემკრველო;

გიხაროდენ, ერთმორწმუნეთა შორის შუღლისა და
მტერობის სიყუარულითა და მშუდობით

შემცვალელო;

გიხაროდენ, მტერთა და მბრძოლთა შენთა მოყუარედ
მომაქცეველო;

გიხაროდენ, კაცთა შორის საკვრველო მეფეო და
დიდებულო მოლუაწეო, წმიდაო ვახტანგ
გორგასლანო!

კონდაკი 5

მეფობდი რად ზეგარდამოდთა მით მადლითა,
ვითარცა ახოვანმან მოლუაწემან და მძლე-მძლავრმან,
ალიჭურვე მკლავნიცა მოწყუედად წინააღმდგომთა
ღმრთისადთა და ერი შენი, წმიდაო და სამეუფოო,
უშიშად დაიცევ, ხოლო კლარჯეთი და აფხაზეთი
შემოუმტკიცე კუალად ქუეყანასა შენსა და საზღუარნი
იბერიისანი განავრცენ, არამედ აწ მოიწია ჩუენ ზედა
მწუხარებაჲ ძლიერი და ფრიად შეძრწუნებულ ვართ
და გვეშინის, რამეთუ გვერივნეს მტერნი ცოდვათა
ჩუენტათჳს და მიგვტაცეს ძირ-ძუელნი მხარენი,
ხოლო შენ შემოგკვრიბენ მამულნი განბნეულნი, და
ურთიერთმტერობისაგან გვკსენ მართლმორწმუნენი
ერნი, რადთა არა ვიქმნეთ საცინელ უღმრთოთა და
წარმართთა და უსჯულოებისადმი არა მივიდრიკოთ
სარწმუნოებითა ღმრთისა მაქებელნი: ალილუია.

იკოსი 5

ეკა, ყოვლად გამოუთქუმელსა მას შენსა ტრფიალებასა ქრისტეს მიმართ, მეფეთა და მოლუაწეთა შუენიერებაო ვახტანგ, რამეთუ გული გითქმიდა თაყუანისცემად ყოველთა წმიდათა ადგილთა, რომელსა დადგეს ფერჳნი უფლისანი, და მიიწიე რად წმიდასა გოლგოთასა და დედასა ეკლესიათასა, სიონსა, საფასჳ დიდძალი მიეც ეკლესიათა და გლახაკთა, ხოლო მოვლე რად მონასტერნი უდაბნოდსანი, და მკვდრნი იორდანისანი, მრავალი ნუგეშინისცემად მიჰმადლე მათ, ეგრეთვე აწ შეგვეწიე და ყოველნი ქალაქნი და სოფელნი ივერიისანი უცხო თესლთა ზედა მოსლვისაგან დაიცევ, რადთა ვიხარებდეთ სულითა, წმიდაო, და ძალსა შენსა, ძლიერსა, ვაქებდეთ:

გიხაროდენ, ერისა შენისა მწყსად და მოლუაწედ მოვლინებულო;

გიხაროდენ, საღმრთოდთა ძალითა ბოროტმადიდებელთა მარცხვენელო და მტერთა ძურის-ზრახვისა განმდევენელო;

გიხაროდენ, უძლურთა ძლიერებაო და მძლავრთა დამცემელო;

გიხაროდენ, პატიოსნებისა და მამაცობისა დამნერგველო;

გიხაროდენ, ჭირთა და ურვათა საჯუმილისა
დამშრეტელო;

გიხაროდენ, განსაცდელთა და ღელვათა
დამაყუდებელო;

გიხაროდენ, სულთა განმხრწნელთა სწავლათა
დამამჯობელო და რისხვსა საღმრთოდსა
დამაყენებელო;

გიხაროდენ, მდაბალთა აღმამაღლებელო და
ამპარტავანთა დამამდაბლებელო;

გიხაროდენ, მოყუასთა შემაერთებელო და მტერთა
დამლახვრელო;

გიხაროდენ, სივერაგეთა კაცობრივთა და ზაკუვათა
ეშმაკისაძთა დამჯსნელო;

გიხაროდენ, განწირულთა სიკუდილისაგან
გამომჯსნელო;

გიხაროდენ, ქედფიცხელთა და გონებაურჩთა
განმსწავლელო;

გიხაროდენ, კაცთა შორის საკვრველო მეფეო და
დიდებულო მოღუაწეო, წმიდაო ვახტანგ
გორგასლანო!

კონდაკი 6

ქეშმარიტად საკვრველ-არს მადლთა და წყალობათა
შენთა სიმაღლეჲ, მეფეთა შორის დიდო ვახტანგ
გორგასლანო, რამეთუ სურვილი წმიდისა მეფისა

მირიანისი ჯეროვნად აღასრულე, და იერუსალჴმსა შინა მონასტერი ჯუარისაჲ ღმრთივბრწყინვალედ აღმართე, ხოლო მოხვედ რაჲ ქუეყანასა შენსა, აღაშენე საყდარნი და მონასტერნი დიდებულნი, და ეკლესიაჲ მოციქულთაჲ სუეტი ცხოველი განაახლე და შეამკევ, ეგრეთვე აწ მოიხილე ჩუენ ზედა, და საღმრთოჲთა მღვდარებითა აღგვავესენ, რაჲთა ვსტიროდეთ სიმრავლისათჳს ცოდვათა ჩუენტასა და ქრისტესა დაუცხრომელად ვაქებდეთ: ალილუია.

იკოსი 6

მართლმადიდებლობისა სარწმუნოებითა მოწყულულჴმან მისწერე კეისარსა და გამოითხოვე პეტრე კათალიკოსად ქართლისა, რაჲთა თჳთ განაგებდეს ქართველთა სამოციქულოსა ეკლესიასა, და სამოელ ეპისკოპოსად დააადგინე მცხეთას სადიდებელად ღმრთისა, გარნა ესმა რაჲ ესე უპირატესსა მღდელმთავარსა მიქაელსა, დაივიწყა შიში ღმრთისაჲ და კრულ-გყო შენცა და ყოველი სჳაჲ შენი აღზევებულმან ამპარტავნებითა, ხოლო შენ, დაღათუ უბრალოჲ იყავ, მეფეო ვახტანგ, მიხვედ მის თანა, რაჲთა-მცა სიმდაბლითა შეუვრდე ფერჯთა მთავარეპისკოპოზისაჲთა, არამედ მან მიამთხვია ფერჯი პირსა შენსა და შეგიმუსრა კბილი კადნიერად, მაშინ გამოუთქუმელი შეურაცხებაჲ დაითმინე

საკვრველად და ფიცხელი მღდელმთავარი
კონსტანტინეპოლედ წარგზავნე განსასჯელად, ხოლო
მუნ განიკითხეს უწყალოდ იგი და მყის წარავლინეს
მღვდარეთა მონასტერსა, ამისთვისცა ვაქებთ დიდ-
ბუნებოვანსა კაცთმოყუარებასა შენსა, ნეტარო, და
ღალად-ვჰყოფთ სურვიელად:

გიხაროდენ, დაცემულისა ქრისტეანულისა სულისა
აღმაორძინებელო;

გიხაროდენ, უღმრთოთა მიერ ზარგანხდილთა
ქრისტეანეთა სულიერითა სიხარულითა
აღმავსებელო;

გიხაროდენ, ეკლესიისა თვთმყოფადობისა და
ძლიერებისა აღმადგინებელო;

გიხაროდენ, მტერთაგან შეუვალთა და
უბრძოლველთა გოდოლთა და ციხე-ქალაქთა
აღმმართველო;

გიხაროდენ, კლდეთა ზედა მაღალთა და ადგილთა
მათ წმიდათა ეკლესიათა და მონასტერთა აღმგებელო;

გიხაროდენ, მონაზონთა ნუგეშო და სულთა
მავნებელთა დამამდაბლებელო;

გიხაროდენ, იერუსალჴმსა შინა თვსტომთა შენთა
დამამკვდრებელო;

გიხაროდენ, წმიდათა ადგილთა სიყუარულისა
ქართველთა შორის დამნერგველო;

გიხაროდენ, საეპისკოპოსოთა საყდართა

განმამრავლებელი;
გიხაროდენ, სამღდელოთა კეთილისმყოფელი და
ეკლესიათა შემწირველი;
გიხაროდენ, ცოდვის მოყუარეთა კაცთათვის
თავშეკავებისა სიტკბოებისა მასწავლებელი;
გიხაროდენ, ღმრთისმოყუარეთა გულთა შინა
მადლისმიერისა სიხარულისა მიმფენელი;
გიხაროდენ, კაცთა შორის საკვრველი მეფეო და
დიდებულო მოღუაწეო, წმიდაო ვახტანგ
გორგასლანო!

კონდაკი 7

მეფობად შენი ღმრთივკურთხეული განადიდე
საღმრთოთა მოქალაქობითა, და ეკლესიად
ქართლისად ბრწყინვალედ განაშუენე ღუაწლითა
შენითა, ამისთვისცა განადიდა ღმერთმან ძლევანი და
კეთილწარმართებანი შენნი და განამტკიცა
კეთილდღეობად ერისა შენისად, ვითარცა თქმულ არს:
ნეტარ არსო ერი სიბრძნისმოყუარისა მეფისად, ხოლო
უვნებელად დაცული ერი შენი, მადლიერი ღმრთისა
მიმართ, ყოვლად მოწყალისა, გაქებდა და აღავლენდა
საღმრთოსა ამას გალობასა: ალილუია.

იკოსი 7

ვერცა წელთა ცვალებამან და ვერცა ჟამთა
ვითარებამან შეუძლო დავიწყებად შრომათა შენთა,
რამეთუ არა სცემდი განსუენებასა თავსა თვსსა და
დააფუძნე ტფილის-ქალაქი ჩუენი დიდებული და
საძირკველად სულიერად დაუდე წმიდანი ეკლესიანი
მსგავსად იერუსალჴმისა: გეთსემანიაჲ - კლდესა
ზედა მეტეხისასა, წმიდისა ჯურისაჲ, ვითარცა
გოლგოთაჲ, ბეთლემი - ნარიყალასა და სიონი -
მარჯვენესა კბოდესა მდინარისა მტკურისასა, ამისთვის
აღმძრავს ჩუენ სიყუარული შენი, და გევედრებით,
ღირსო, რადთა ღირს ვიქმნეთ გალობად შენდა:

გიხაროდენ, ჯვრის შეურაცხისმყოფელთა
განმბასრველო;

გიხაროდენ, წარწყმედულთა გზათაგან ერისა შენისა
განმარინებელო;

გიხაროდენ, კეთილმორწმუნეთა მთავრობათა და
მკედრობათა მაკურთხეველო;

გიხაროდენ, მძლავრთა კაცთ-მოძულეთა მთავართა
და მსაჯულთა მამხილებელო და მათ მიერ
უსამართლოდ დევნულთა მწყალობელო;

გიხაროდენ, შეცდომილთა გზასა ზედა
ჭეშმარიტებისასა მომაქცეველო;

გიხაროდენ, სასტიკებისა და სივერაგისა

მომძულელო;
გიხაროდენ, ქუადქმნილთა და ფიცხელთა გულთა
მომალბობელო;
გიხაროდენ, კაცთა მამულად სამსახურებელად და
წესიერებად მომყვანებელო;
გიხაროდენ, სარწმუნოებისაგან განდრეკილთა და
უსჯულოებისა მომქმედთა ერის მთავართა და
წინამძღოლთა შემრისხველო;
გიხაროდენ, სიწმიდისა შემბილწველთა და
ქრისტეანობისა განმრყვნელთა შემმუსრველო;
გიხაროდენ, ალბორგებულთა ღმრთისმოძულეთა
მძლეველო;
გიხაროდენ, მამულისა სჯულისა უარისმყოფელისა
და ორგულისა ვარსქენ პიტიახშისა დამლახვრელო;
გიხაროდენ, კაცთა შორის საკვრველო მეფეო და
დიდებულო მოღუაწეო, წმიდაო ვახტანგ
გორგასლანო!

კონდაკი 8

რაჟამს კავად-შაჰმა მოგიწოდა ბრძოლად ბერძენთა
ზედა, არა ინებე შენ, ქრისტეს მხედარო, ახოვანო,
ქრისტეანეთა აღკოცვაჲ და განემზადე
წინააღმდგომად მისა, ეგრეთვე აწ იხილე ურიცხუთა
მტერთა საფრკენი განფენილად ბოროტად ნათესავსა
ამას ჩუენსა ზედა და გვკსენ ურთიერთმძლავრებისა

და შინაგანცემისაგან, რამეთუ განძლიერებად ერისად ითხოვს ერთობასა, რადთა სიყუარულითა ღმრთისა და მამულისადთა ერთ ზრახვად შეკრულნი მარადის ვაქებდეთ დამბადებელსა ყოველთასა: ალილუია.

იკოსი 8

აუწყეს რად ჰამბავი ესე მძლავრსა მას უსჯულოსა, გულისწყრომითა აღივსო ფრიად და ურიცხვითა მკედრობითა მოიწია ქუეყანასა შენსა, რამეთუ ეწადა სიკუდილი შენი და წახდენად იბერიისად, არამედ უფალმან მოგცნა შეწევნად და შემოიკრიბნე რად მტკიცენი ერნი, ვითარცა ვეფხი სიმჴნითა, და ვითარცა ლომი ზახილითა, ეკუეთე განლაღებულთა მათ მაზდეანთა და აღუდგინე ძლევად ქართველთა, ეგრეთვე აწ ამოო ჰყვენ საშინელნი მზაკუვარებანი მათნი, რომელნი უკეთურთა ილუწიან სავენებელად ჩუენდა, და შეუხებელად დაგვიცევ მტერთა წყობათა და ზედა მოსვლისაგან, რადთა ვპოოთ განსუენებად და შუებად წარუვალნი ქებით მადიდებელთა შენთა:

გიხაროდენ, სიქადულო და დიდებო მეფეთა სკიპტრისაო;

გიხაროდენ, შეურყევლო გოდოლო ჭემმარიტისა მსჯავრისაო;

გიხაროდენ, კეთილად მომმუშაკებლო ღმრთისმსახურებისა ღუაწლისაო;

გიხაროდენ, ზეგარდამო მოვლენილო განწმედისათჳს
ერისა შენისაო და გაძლიერებისათჳს იბერიისაო;
გიხაროდენ, მქადაგებელო ანდრია მოციქულისა მიერ
დანერგულისა სჯულისაო;

გიხაროდენ, განმამტკიცებელო ქალწულისა ნინოდსა
მიერ აღორძინებულისა სარწმუნოებისაო;

გიხაროდენ, დამნერგველო ყოვლისა კეთილისა
ზნეობისაო და ღმრთივ-სათნოდსა ყოფა-ქცევისააო;

გიხაროდენ, ფარო, დამცველო კეთილმსახურებისაო;

გიხაროდენ, მახზლო ორლესულო, განმკვეთელო
ბოროტმსახურებისაო;

გიხაროდენ, აღმადგინებელო დაცემულისა ერისაო;

გიხაროდენ, პასუხისმომგებელო მტერისაო და
მოყუარისაო;

გიხაროდენ, ხატო წინაპართა ჩუენტა
ძლევამოსილებისაო;

გიხაროდენ, კაცთა შორის საკვრველო მეფეო და
დიდებულო მოღუაწეო, წმიდაო ვახტანგ
გორგასლანო!

კონდაკი 9

დათხევაჲ სისხლისაჲ უფროდს საწადელ გიჩნდა,
ტარიგო ქრისტჳსო, ვიდრელა საყდარი მეფობისაჲ, და
შენცა შეიმოსე მისთჳს გვრგვნი მოწამეობისაჲ,
ჯელითა მონა-ყოფილისაგან შენისა, რომელმან ჟამსა

ბრძოლისასა გცა ისარი ჯაჭვის პერანგისა განახევსა, ხოლო შენ, ვითარცა ლომი ლომთაჲ და გოლიათი გოლიათთაჲ, მკერდ-დაკოდილი კუალად ბრძოდი გორგასლურად, გარნა დამძიმდი რაჲ ფრიად წყლულებითა, ანდერძად ამცნე სახლეულსა შენსა და ერსა: სიყუარული და განუშორებლობაჲ ბერძენთაჲ, რადთამცა მტკიცედ დგენ სარწმუნოებასა ზედა და ეძიებდენ ქრისტესსთჳს სიკუდილსა, ამისთჳს ვიხარებთ კრებული ესე მორწმუნეთაჲ და გალობასა შევსწირავთ ყოვლისა შემოქმედსა: ალილუია.

იკოსი 9

რაჟამს აღესრულე უჯარმასა, ჳ, ყოვლად ტკბილო და საწადელო მეფეო ქართველთაო, მრავალ მოღუაწეს გუამი შენი შემურეს გოდებითა და დიდითა პატივითა დაკრძალეს „დედასა ყოველთა ეკლესიათასა - სუეტიცხოველსა“, ხოლო დაადეს რაჲ ბუმბერაზი ლოდი საფლავსა შენსა, მას ზედა აღმოკვეთეს „თორმეტბრჭალიანი“ ხატი შენი, ახოვანო, და მოღუაწებისა შენისა სიმჯნესა უთხრობდეს ყოველთა, და მიერითგან დასნი სამღდელოთანი და მორწმუნეთა გუნდნი სურვილითა შეუვრდების სამარხოსა შენსა, და სარწმუნოებითა ითხოვს შენგან შეწევნასა, ხოლო ჩუენ კურთხეულითა

ენითა ქართულითა სახარულევანსა ძღუენსა
შევსწირავთ შენდა:

გიხაროდენ, ღუაწლითა შენითა მამულისა
წყუდიადისა განმაცისკრებელო;

გიხაროდენ, სულიერისა მღვდარებისა ზარისა
დამარისხებელო;

გიხაროდენ, ღმრთისა და მამულის სიყუარულისა
დამნერგველო;

გიხაროდენ, ყოველთა ბოროტთა ზნე-ჩუეულებათა
აღმკვეთელო;

გიხაროდენ, ცრუმორწმუნეობისა ბიწისა აღმკოცელო;

გიხაროდენ, სატანისა მაკეთაგან და უცხო თესლთა
ზედა მოსლვისაგან დამცველო;

გიხაროდენ, გრძნეულთა და მისანთა
უგულისკმოებისა და ბილწთა ზახებისა
დამშრეტელო;

გიხაროდენ, ერთგულთათვის პატივისა მიმნიჭებელო
და ორგულთა დამამდაბლებელო;

გიხაროდენ, ძმათ-უყუარულთა და ანგარ-
მომხვეჭელთა მამხილებელო და ძლიერად
დამთრგუნველო;

გიხაროდენ, სულისა შენისა პირველად ქრისტეწსათვის
და მერმე მამულისათვის დამდებელო;

გიხაროდენ, დიდებულსა მწყობრსა სჯულისა და
ქუეყანისათვის თავდადებულთა მამა-პაპათასა

შეერთებულო;
გიხაროდენ, წარმავალისა მეფობისა წილ, ქრისტჳს
მიერ წარუვალისა დიდებისა მომგებელო;
გიხაროდენ, კაცთა შორის საკვრველო მეფეო და
დიდებულო მოლუაწეო, წმიდაო ვახტანგ
გორგასლანო!

კონდაკი 10

დააკლდეს რად ღმრთივკურთხეულნი ივერიელნი და
ყოველნი მკვდრნი საქართველოდსანი მამასა ძლიერსა
და მწნესა მეფესა, ახოვნად შეიწყნარეს და
გულსმოდგინებითა აღასრულეს წესი
ღმრთივსულიერი, რომელი დაუტევე ერსა შენსა, და
უმჯობეს ირჩიეს სიკუდილი ქრისტჳსთჳს, უფროდს
ცხოვრებისა, გარნა ჩუენ დავივიწყეთ ანდერძი შენი და
მივემსგავსეთ ერთა უცხო თესლთა, ქრისტჳსგან
განდგომილთა, არამედ შენ აღგვადგინნე დაცემულნი
ესე ვნებათა მიერ და გვკსენ რწმენისაგან არა-
ცხოველისა და ნელ-ტფილისა, რადთა ლოცვაჲ ჩუენი
არა საყუედრელად შეგუერაცხოს და შეწირულ იქმნას
წინაშე ღმრთისა: ალილუია.

იკოსი 10

აჰა, წყაროდ მადლისად და ნიშთა სიმრავლისად,
დაუწყვედელი მდიდრად, სამარტკლოდ ძუალთა

შენთად გვაქუს მორწმუნეთა ზღუდედ სიმტკიცისად,
საუნჯედ მადლისად და ეშმაკთა მოტებელად,
ამისთვსცა შეწევნისა შენისა მოქენეთა გული გვთქმს
მისლვად სუეტიცხოველსა და ელიადს ხალენისა,
კუართისა საუფლოდსა და სუეტისა ცხოველისა თანა,
საფლავისა შენისა თაყუანისცემად, რადთა სიწმიდენი
ესე მკურვალედ შევიტკბოთ და კურნებადცა
აღმოვივსოთ მაქებელთა შენთა:

გიხაროდენ, ძლევაო და დიდებაო იბერიისაო;

გიხაროდენ, შეურყეველო ზღუდეო
კეთილმსახურებისაო;

გიხაროდენ, ზეცადმდე აღწევნულო სუეტო
მართლისა სარწმუნოებისაო;

გიხაროდენ, კელმწიფეო და მკედართმთავარო,
უმუსრველო ძეგლო ვაჟკაცობისაო;

გიხაროდენ, დიდხელოვანო მტერთა ძლევისაო;

გიხაროდენ, გოდოლო შეუძრველო სიმკნისაო და
მაგალითო საღმრთოდსა მკედრობისაო;

გიხაროდენ, ახოვანო, რჩეულო მკედარო, აღმძრველო
მამაცობისაო;

გიხაროდენ, ღუაწლითა შენითა კეთილად
სრულმყოფელო საღმრთოდსა სარბიელისაო;

გიხაროდენ, პატიოსანისა მის გზრგზნისა წილ
დამდგმელო ზეცისა გზრგზნისაო;

გიხაროდენ, წმიდათა თანა სასუფეველსა

დამკვდრებულო და მზრუნველო ცხოვნებისათჳს
ჩუენისაო;

გიხაროდენ, საფარველითა მადლთა შენთაძთა
მცველო და მფარველო ტფილის-ქალაქისაო;

გიხაროდენ, უძლეველო წინამბრძოლო ქართველთა
ერისაო და მფარველო ჩუენისა ეკლესიისაო;

გიხაროდენ, კაცთა შორის ახოვანო მეფეო და
დიდებულო მოლუაწეო, წმიდაო ვახტანგ
გორგასლანო!

კონდაკი 11

მართალ იყავ და მოშიში ღმრთისაჲ, ჳ, საკვრველ-
მაღალო ჳელმწიფეო, და მადლი მისი დაადგრა შენ
თანა, ვითარცა დავითს მამათ-მთავარსა, და ვითარცა
რაჲ სოლომონს მოგცა სიბრძნჳ უზესთაესი, და
შეუორგულელებელთა მჳნეობითა განაგებდი ერსა და
სამეფოსა თჳსსა კეთილად, ხოლო ბაძვად შენდა
აღძრული ერი შენი ადიდებდა ქრისტესა,
რომელმანცა მოსცა ეგევითარი მეფჳ და პატრონი,
დედისა თჳსისა წილხდომილსა ერსა, ამისთჳსცა
შევნატრით ქართველთა ძუელსა დიდებასა და
ძლიერებასა, და ვადიდებთ განმაძლიერებელსა
თქუენსა: ალილუია.

იკოსი 11

მღვდარე მწყემსად გამოუჩნდი ერსა შენსა, და სიბრძნისა შენისა კუერთხითა და მჭურვალითა ზედამდგომელობითა წარმართე მცნებათა მიმართ საღმრთოთა, გარნა აწ მგელნი მტაცებელნი, სამწყსოთა გარე მოგვადგეს სიტყვერსა ცხოვარსა შენსა განხრწნად, ხოლო შენ შეგვეწიე, ღირსო, და დაღათუ არა ვართ ღირს ცოდვათა ამათ ჩუენთათჳს, ევედრე მკსნელსა ჩუენსა, მოგუცეს მწყემსი სარწმუნოდ და მართალი, სათნოდ მეფედ და წინამძღურად სამწყსოთა თჳსთა, რადთა ღირსებითა და სიმართლითა იურვოდეს ერთა, მისდამი რწმუნებულთა და ყოვლითავე სულიერითა და ჯორციელითა კეთილითა აღგვაორძინებდეს შენდამი მგალობელთა:

გიხაროდენ, მწყემსო კეთილო, განბნეულთა ცხოვართა შემკრებელო და ჭეშმარიტისა ღმრთისა მიმყუანებელო;

გიხაროდენ, ფარნავაზისა ბრწყინვალეთა ძლევათა აღმადგინებელო;

გიხაროდენ, სიწმიდითა განკრძალულთა სამღდელოთა პატივისმცემელო და უდებთა მამხილებელო;

გიხაროდენ, სამწყსოდსა შენისა ღელვათაგან

მრავალსახეთა განმარინებელო;
გიხაროდენ, სოფლისა ღელვათაგან შერყეულთა
გულთა ღმრთისმოსავობასა ზედა განმსწავლელო;
გიხაროდენ, ნაყოფითა სიმჴნეთა შენთაფთა
შემდგომთა შენთა მეფეთა განმამჴნევებელო;
გიხაროდენ, გარეგან ცხოვართაფთა მოსილთა და
შინაგან მგელ-მტაცებელთა მღვდელმთავართა
დამამჴობელო და განმთხეველო;
გიხაროდენ, მრავალშეთხზულთა მათ მანქანებათა
მტერისაფთა დამჴსნელო;
გიხაროდენ, სანთელო, გონიერთა განმანათლებელო
და უგუნურთა დამჴველო;
გიხაროდენ, ივერიელთა მტერობისთჴს ყოველთა
შემადრწუნებელო და დამამდაბლებელო;
გიხაროდენ, ერისათჴს შენისა კეთილმსახურებითისა
სიტკბოებისა უფლისაგან გამომთხოველო;
გიხაროდენ, ქართლოსიანთა მიერ მარადჴამს
საჴსენებელო;
გიხაროდენ, კაცთა შორის საკჴრველო მეფეო და
დიდებულო მოღუაწეო, წმიდაო ვახტანგ
გორგასლანო!

კონდაკი 12

ეჴა, რაბამი დიდებულებაჲ შეგძინა შენ სიმჴნემან,
სანატრელო, რამეთუ ძუელნი მატიანენი ქართლისანი

გვაუწყებენ, თუ ვითარ ილუწიდი სადიდებელად ღმრთისა და აღორძინებისათვის ივერიისა, ხოლო აწ გვოხე ქრისტეს მიმართ და გვთხოვე, გარე წარაქციოს რისხვად აღდგომილი ჩუენ ზედა, სიმრავლისაგან ცოდვათა ჩუენტასა, და ლაზარესაებრ აღგვდგინოს მამული ჩუენი - საქართველო - პირველსავე დიდებასა, რადთა არა დასათრგუნველ ვიქმნეთ მარბიელთა უცხოთა ტომთა და ნათესავთაგან, და წმიდათა არსითა და ალილუიათი დაუბრკოლებელად შევამკობდეთ სამებასა განუყოფელსა და შეურყვნელსა: ალილუია.

იკოსი 12

აწ იშუებს ერი და განსცხრების ეკლესიად და იხარებს ქუეყანად ჩუენი შენთა შრომათათვს მათ შორის აღსრულებულთა, ხოლო ჩუენ მოვკსენებთ რად საკვრველსა სიმკნსა შენსა და ახოვნებასა სულისასა, მკურვალედ გევედრებით, შეგვაწყნარე ქრისტესა მეუფესა ჩუენსა, მხოლოსა მრავალ-მოწყალესა, რადთა მოიხილოს ერსა თვსსა ზედა, რომელსა არა აქუს სიტყვსგებად წინაშე მისა, და მოგვანიჭოს სიბრძნე კეთილისა და ბოროტის განრჩევისად, და მოგვცეს ძალი მიტევებისად, რადთამცა მივემთხვივნეთ მადლსა და წყალობასა მეოხებითა შენითა და უვნებელად დაცულნი ვიტყოდეთ ძალისაებრ ჩუენისა:

გიხაროდენ, მეფეთა ბრწყინვალისა დასისა შუენებაო,
რამეთუ გცხო შენ ღმერთმან საცხებელი
სიხარულისაჲ;

გიხაროდენ, რამეთუ შემწე გექმნებოდა შენ მარჯუენს
მაღლისაჲ;

გიხაროდენ, რამეთუ დაიდგ თავსა შენსა გზრგზნი
სიბრძნისაჲ და ჳელთ-იდევ სკიპტრად სიმტკიცს
გონებისაჲ, ხოლო პორფირად საღმრთოდ შეიმოსე
სარწმუნოებაჲ;

გიხაროდენ, მამაცობისა ძლიერებითა
გაბრწყინვებულო, რამეთუ უშიშ იყავ, ვითარცა
უკორცოდ და დაჳლენე ყოველი საჭურველი
მძვინვარისა ბრძოლისაჲ;

გიხაროდენ, სასიქადულო ძეო მამულისა ჩუენისაო,
რამეთუ მეფობისა შარავანდედსა შეაერთენ შენ
გზრგზნი ძლევისაჲ;

გიხაროდენ, მართლმადიდებლობისა სასანთლეო,
რამეთუ განაცისკროვნე ღამს სპარსთა საცთურებისაჲ;

გიხაროდენ, რამეთუ საყდარი მეფობისა შენისაჲ
პატიოსან ჳყვენ ვნებითა შენითა და აღამაღლე რქად
ცხებულებისაჲ;

გიხაროდენ, ქრისტეს წამებულთა თანა მითუალულო,
რამეთუ წმიდაჲ სისხლი შენი შესწირე უკუდავსა
ქრისტესა, ვითარცა სულნელი ყოვლად-პატიოსანი და
მიიღე სასყიდელი იგი მუშაკობისაჲ;

გიხაროდენ, მართლმადიდებელთათვის ზეცით
მონიჭებულო სიმტკიცეო, რამეთუ ვიდრე აქამომდე
მოიგე სახელი უკუდავებისად;
გიხაროდენ, მოქალაქობასა ზეციერსა მიმთხვეულო,
რამეთუ იდიდე, ვითარცა მკედარი რჩეული, და
გზრგზნოსან იქმენ, ვითარცა მეფე კეთილმსახური;
გიხაროდენ, ჭეშმარიტებისა მეძიებელთა
წინამძღუარო და ლამპარო, რამეთუ ჰნათობ ყოველთა
კიდეთა ქუეყანისა ჩუენისათა, დაუვსებელისა
ნათლისა მიფენითა;
გიხაროდენ, ჭირთა შინა ურცხვენელო ჯელის
აღმპყრობელო, რამეთუ ყოველთა შევედრებულთა
შენთა მიჰმადლებ უხვსა საბოძვარსა წყაროდსაგან
ულევისა მადლისა;
გიხაროდენ, კაცთა შორის საკვრველო მეფეო და
დიდებულო მოღუაწეო, წმიდაო ვახტანგ
გორგასლანო!

კონდაკი 13

ჟ საღმრთოთა მადლითა განბრწყინებულო, წმიდაო
მეფეო ვახტანგ გორგასლანო! სარწმუნოებით
შევრდომილნი მტკიცესა მას შენსა მეოხებასა და
მამობრივსა მადლსა და შეწვენასა, გვკსენ ხილულთა
და უხილავთა მტერთა მრავალ საფრკეთაგან და ჟამსა
შინა განსჯისასა განგუარინენ საუკუნეთა მათგან

მწარეთა სატანჯველთა, რადთა შენ მიერ
ძღუანებულნი მივიწივნეთ ზეციერსა იერუსალჴმსა
და ღირს ვიქმნეთ შენ თანა დიდებად
ყოვლადწმიდისა სამებისა: ალილუია.

ეს კონდაკი 3-გზის, შემდეგ

